

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-15715/21-2
Sarajevo, 04.01.2022. godine

Na osnovu člana 70. stav (1) i (4), člana 69. stav (2) tačka d) i člana 100. stav (3) Zakona o javnim nabavkama („Službeni glasnik BiH“, br. 39/14), te člana 26. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, rješavajući po žalbi grupe ponuđača „Next energy“ d.o.o. Banja Luka („Nexen“ d.o.o. Banja Luka) i „Telinvest“ d.o.o. Sarajevo broj NXN-204/21/Ž, zastupani po punomoćniku Borisu Mandiću, advokatu iz Istočnog Sarajeva, a na preporuku Komisije za javnu nabavku radova, Općinski načelnik donosi

ODLUKU

o poništenju postupka javne nabavke

I

Usvaja se žalba grupe ponuđača „Next energy“ d.o.o. Banja Luka („Nexen“ d.o.o. Banja Luka) i „Telinvest“ d.o.o. Sarajevo broj NXN-204/21/Ž, zastupani po punomoćniku Borisu Mandiću, advokatu iz Istočnog Sarajeva i stavlja se van snage Odluka o izboru najpovoljnijeg ponuđača broj 02/12-19-15715/21-2 od 30.11.2021. godine u postupku javne nabavke Izgradnja javne rasvjete na području Općine Novi Grad Sarajevo po LOT-ovima, broj obavještenja 422-1-3-156-3-111/21, objavljeno na Portalu javnih nabavki dana 27.08.2021.godine i Ispravka za obavještenje o nabavci broj 422-1-3-156-3-176/21 – LOT 2.

II

Poništava se postupak javne nabavke Izgradnja javne rasvjete na području Općine Novi Grad Sarajevo po LOT-ovima, broj obavještenja 422-1-3-156-3-111/21, objavljeno na Portalu javnih nabavki dana 27.08.2021.godine i Ispravka za obavještenje o nabavci broj 422-1-3-156-3-176/21 – LOT 2, obzirom da nijedna od primljenih ponuda nije prihvatljiva.

III

Zadužuje se Služba za zajedničke poslove da ovu Odluku objavljuje na web stranici Općine, u skladu sa članom 70. stav (6) Zakona o javnim nabavkama, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

IV

Usvaja se zahtjev žalitelja grupe ponuđača „Next energy“ d.o.o. Banja Luka („Nexen“ d.o.o. Banja Luka) i „Telinvest“, zastupani po punomoćniku Borisu Mandiću, advokatu iz Istočnog Sarajeva, za naknadu troškova žalbenog postupka u iznosu od 658,12 KM.

Obrazloženje

Odlukom broj 02/12-19-15715/21 od 25.08.2021. godine Općina Novi Grad Sarajevo pokrenula je otvoreni postupak javne nabavke – Izgradnja javne rasvjete na području Općine Novi Grad Sarajevo po LOT-ovima – LOT 2, broj obavještenja 422-1-3-156-3-111/21, objavljeno na Portalu javnih nabavki dana 27.08.2021.godine i Ispravka za obavještenje o nabavci broj 422-1-3-156-3-176/21, objavljeno na Portalu javnih nabavki dana 05.11.2021.godine i u „Službenom glasniku BiH” – Oglasnik javne nabavke broj 55/21 od 03.9.2021. godine.

Ugovorni organa je u predmetnom postupku donio Odluku o izboru najpovoljnijeg ponuđača broj 02/12-19-15715/21-2 od 30.11.2021. godine, a kojom se okvirni sporazum za javnu nabavku dodjeljuje grupi ponuđača „Next energy“ d.o.o. Banja Luka („Nexen“ d.o.o. Banja Luka) i „Telinvest“ d.o.o. Sarajevo, a nakon provedene e-aukcije.

Dana 16.12.2021. godine ugovorni organ je putem pošte zaprimio žalbu grupe ponuđača „Next energy“ d.o.o. Banja Luka („Nexen“ d.o.o. Banja Luka) i „Telinvest“ d.o.o. Sarajevo broj NXN-204/21/Ž, zastupani po punomoćniku Borisu Mandiću, advokatu iz Istočnog Sarajeva. Predmetna žalba je na poštu predata dana 13.12.2021. godine. Postupajući po žalbi, a u skladu sa članom 100. stav (1), utvrđeno je da je žalba blagovremena, dopuštena i izjavljena od strane ovlaštenog lica.

Komisija je postupajući po navodima žalbe pristupila ponovnoj ocjeni ponuda i razmatranju žalbenih navoda žalitelja.

Uvidom u ponudu grupe ponuđača „Step“ d.d. Sarajevo i „Sela“ d.o.o. Sarajevo, a razmatrajući žalbene navode žalitelja, Komisija je utvrdila kako slijedi:

Prvi žalbeni navod žalitelja je neosnovan, jer je ponuda uvezana u skladu sa tačkom 4.3.3 tenderske dokumentacije. Grupa ponuđača „Step“ d.d. Sarajevo i „Sela“ d.o.o. Sarajevo je dostavila ponudu u spiralnom uvezu koja je dodatno osiguran jemstvenikom (trobojnim koncem u koji je uvezana cijela ponuda, te je na početnoj stranici konac spojen u čvor i na isti je otisnut pečatni vosak lidera grupe ponuđača „Step“ d.d. Sarajevo) čime je onemogućeno naknadno vađenje ili umetanje listova.

U drugom žalbenom navodu žalitelj navodi da je nepravilno ispunjen Obrazac za ponudu i Obrazac za cijenu ponude (stranice 8-10 ponude i 11-22 ponude), pored naziva Konzorcija nije upisano ko je lider, a ko član kako je navedeno u Obrascu za ponudu (Aneks 2). U obrascu (Aneks 2) na stranici 8. ponude grupe ponuđača „Step“ d.d. Sarajevo i „Sela“ d.o.o. Sarajevo u rubrici ponuđač nije upisano ko je predstavnik grupe ponuđača nego je napisano konzorcij „Step“ d.d. Sarajevo i „Sela“ d.o.o. Sarajevo. Ovaj nedostatak je manji formalni propust, odnosno nije značajan (jer obrazac za ponudu u svemu drugom odgovara zahtjevima iz tenderske dokumentacije) i ne utiče na ispravnost ponude obzirom da je dostavljen ugovor o zajedničkom nastupanju - konzorciju radi učešća na tenderu u kojem se navodi ko je predstavnik grupe ponuđača, te je otisnut pečat predstavnika grupe ponuđača na mjestu kontakt osobe i kod numerisanja stranica.

U trećem žalbenom navodu žalitelj navodi da ponuda grupe ponuđača „Step“ d.d. Sarajevo i „Sela“ d.o.o. Sarajevo nije potpuna obzirom da na stranicama 29-30 dostavljeni Aktuelni izvod iz sudskog registra za „Step“ d.d. Sarajevo ne sadrži podatke o licu ovlaštenom za zastupanje. Žalitelj smatra da ovaj nedostatak utiče na valjanost cjelokupne ponude jer je važan za evaluaciju svih ostalih dokumenata (izjave, ugovori, obrasci...), pa se postavlja pitanje da li su potpisani od strane ovlaštenog lica. Žalitelj smatra da u ponudi nije dostavljen niti jedan drugi dokument na osnovu kojeg je vidljivo ko je u stvari lice ovlašteno za zastupanje.

Komisija je utvrdila da je ovaj žalbeni navod neosnovan jer je na stranici 30. ponude grupe ponuđača „Step“ d.d. Sarajevo i „Sela“ d.o.o. Sarajevo u Aktuelnom izvodu iz sudskog registra broj 065 0 RegZ 21 008279 od 13.9.2021. godine navedeno Lice ovlašteno za zastupanje subjekta upisa.

U četvrtom žalbenom navodu žalitelj ističe da grupa ponuđača „Step“ d.d. Sarajevo i „Sela“ d.o.o. Sarajevo ne ispunjava uslove iz tenderske dokumentacije koji se odnose na tehničku i profesionalnu sposobnost. Tačkom 3.4.1. d) tenderske dokumentacije traženo je: „*d) da je ponuđač opremljen neophodnom opremom za obavljanje predmetnih radova: Oprema: teretno vozilo (kamion sa kranom) – min. 1 kom., auto-korpa za radove na visini – min. 1 kom., rovokopač – min. 1 kom.*“

Navedeno se dokazuje tačkom 4.4.2. tenderske dokumentacije, a žalitelj navodi da je dostavljena saobraćajna dozvola za teretno vozilo (auto korpa za radove na visini) nevažeća jer je vozilo neregistrovano u trenutku predaje ponude.

Ovaj žalbeni navod je osnovan, grupa ponuđača „Step“ d.d. Sarajevo i „Sela“ d.o.o. Sarajevo nije ispunila uslove tražene tenderskom dokumentacijom a koji se odnose na potrebnu opremu – mehanizacija za izvođenje radova, jer je teretnom vozilu za koje je dostavljena saobraćajna dozvola na stranici 61. ponude registracija istekla 12.10.2021. godine, a krajnji rok za predaju ponuda je bio 10.11.2021. godine. Također ponuđač nije dostavio Zapisnik uz upotrebnu dozvolu za rovokopač na stranici br. 65 ponude, a koji je tražen tenderskom dokumentacijom, jer je navedeno da se dostavljaju upotrebne dozvole sa zapisnikom koji dokazuje tražene karakteristike.

Petim žalbenim navodom žalitelj navodi da je uvidom u ponudu uočio nepravilnosti u dostavljenoj bankovnoj garanciji grupe ponuđača „Step“ d.d. Sarajevo i „Sela“ d.o.o. Sarajevo, odnosno da nisu ispunjeni uslovu iz tačke 4.7.2 tenderske dokumentacije.

Uvidom u dostavljenu bankovnu garanciju na stranici 70. ponude utvrđeno je da je bankovna garancija pakovana na način da je ubačena u PVC foliju, koja je uvezana jemstvenikom, te zatvorena samoljepljivom naljepnicom na koju je otisnut pečat ponuđača samo na naljepnicu (koja jeste dvoslojna), ali pečat nije otisnut na mjesto vezivanja PVC folije i naljepnice, te je ovaj žalbeni navod žalitelja osnovan.

Iz naprijed navedenog razloga utvrđeno je da grupa ponuđača „Step“ d.d. Sarajevo i „Sela“ d.o.o. Sarajevo ne ispunjava uslove iz tačke 3.4.1. d) i 4.7.2. tenderske dokumentacije, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi dostavljene ponude grupe ponuđača „Next energy“ d.o.o. Banja Luka i „Telinvest“ d.o.o. Sarajevo te utvrdila da ista ne ispunjava uslove iz tačke 3.4.1. b) tenderske dokumentacije – tehnička i profesionalna sposobnost: „b) da je jedno lice VSS - građevinske ili arhitektonske struke stalno zaposleno kod ponuđača sa položenim stručnim ispitom i radnim iskustvom od najmanje 5 godina“. Predmetno se dokazuje tačkom 3.4.2 b) i d) tenderske dokumentacije.

Na stranicama 50-53 ponude dostavljena je Lista osiguranih lica Porezne uprave FBiH - Kantonalni porezni ured Sarajevo broj 13-9/2-12-45-2796-1/21 od 13.10.2021. godine za obaveznika „Telinvest“ d.o.o. Sarajevo. Na stranici 58. ponude dostavljena je Potvrda od 08.11.2021. godine izdata od „Telinvest“ d.o.o. Sarajevo, u kojoj se navodi da je diplomirani inženjer građevinarstva zaposlen u firmi „Telinvest“ d.o.o. Sarajevo u periodu od 01.2.2019. godine te da je ostvario ukupno 2 godine, 9 mjeseci i 1 dan radnog staža, a u istoj se potvrdi navodi da je imenovani radio u firmi „Bosnianekretnine“ d.o.o. Sarajevo u periodu od 01.6.2016. godine do 31.12.2018. godine, odnosno ukupno 2 godine, 2 mjeseca i 30 dana.

Na stranici 59. ponude dostavljena je Izjava o angažovanju Inženjera elektrotehnike na predmetnom postupku javne nabavke. Na stranici 60. dostavljena je potvrda o random iskustvu za navedenog inženjera, u kojoj se navodi da imenovani ima pet godina radnog iskustva u struci i položen stručni ispit (izdavalac potvrde je „Next energy“ d.o.o. Banja Luka).

Komisija je ocijenila da grupa ponuđača „Next energy“ d.o.o. Banja Luka i „Telinvest“ d.o.o. Sarajevo nije dostavila dokaz o radnom iskustvu od 5 godina za inženjera građevinarstva, obzirom da potvrda na stranici 58. ponude predstavlja dokaz o radom iskustvu od 2 godine, 9 mjeseci i 1 dan, a u ostalom dijelu nije prihvatljiva iz razloga što izdavalac potvrde može izdavati potvrdu o evidencijama koje vodi, odnosno o radnom iskustvu koje je imenovani ostvario kod izdavaoca potvrde, a ne o radnom iskustvu koje je ostvareno kod drugog poslodavca.

Nadalje, i potvrda na stranici 60. ponude o radnom iskustvu za inženjera elektrotehnike nije prihvatljiva jer se iz iste ne može utvrditi gdje je imenovani stekao radno iskustvo, odnosno da li je zaposlen u privrednom društvu „Next energy“ d.o.o. Banja Luka koje je izdavalac potvrde, niti se to može zaključiti iz druge dokumentacije dostavljene u ponudi.

Iz naprijed navedenog razloga utvrđeno je da grupa ponuđača „Next energy“ d.o.o. Banja Luka i „Telinvest“ d.o.o. Sarajevo ne ispunjava uslove iz tačke 3.4.1. b) tenderske dokumentacije, te je ponuda odbačena shodno odredbama člana 68. stav (4) tačka i) Zakona o javnim nabavkama.

Shodno navedenom Komisija je dala preporuku za poništenje predmetnog postupka javne nabavke.

Imajući u vidu da je Komisija u cijelosti pravilno provela postupak u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 69. stav (2) tačka d) i člana 100. stav (3) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

